

## Mattup ki Pool yi riine a Pilemon

*En urzi k'ono don kun t'oone adda mattup ettiyo*

Ette mattup ki Pool yi riine a lanjayi Pilemon. Yoŋ ti geeger Kolos, yoŋ wede suma adda geeger gette. Wo y'illiga Pool yi kazita Rabila Majjaanawa maŋ, a kaamiki y'a ziipe addi a Isa wo yi daaniya urzi k'Isa. Inkinno i d'ede wede soo ti diine bulagi Pilemon sundi Onezim. Yoŋ geŋ y'ukke okko ti daana galmeegi me, an d'ikkima ti Pool aame yoŋ dangay a geeger Room. Pool yi di gizite Rabila Majjaanawa ki Galmeega Isa Almasi, inkinno Onezim y'a ziipe addi a Isa.

Pool yi-raaniya mattup ette a Pilemon kono yi-t'ise tambobino a Onezim. Geŋ Onezim batum i-d'etta ti mattup a Pilemon me. Ti kaaga a urzi k'oogoro Romen geŋ, Pilemon i-d'ede urzi yi-d'ise munda wede aa addi i dehu a tukk' Onezim me, ise towwo ton y'a yi t'ide. Adda mattup ette Pool yi-d'obe bey a Pilemon kono y'a ki y' wolle Onezim aakede bule wede i t'umbe ye. Yoŋ yi di ruute y'a yi seeda bey sire, kono ankeŋŋo kane an a ti gitte kaŋ soo a urzi k'Isa Almasi me.

### *Toose ki Pool*

<sup>1</sup> Mattup ette i raaniya nuŋ Pool, wede an ni ziida dangay kono ni kazita rabila k'Isa Almasi, ay raaniya ti leema Timote. Mattup ette a kee Pilemon leemadey wede ki geyyiso, kee wede

naabadin kan soo, <sup>2</sup> wo a zamba don ogiyso ti suma k'Isa a boozá, a teemadin Aapiya, ti Arsip wede a ti giyye ti kine deyyisadin kan soo. <sup>3</sup> Gen beeko ti toose ki Meegin Raa ti Galmeega Isa Almasi i koonna eggun.

*Pool yi rootiyo koduwo a Raa kono Pilemon*

<sup>4</sup> Nun daayum adda tondiyadó a Raa gette, sundá ni gi di sedfiyo ye, wo ni rootiyo koduwo a Raazó, <sup>5</sup> kono nun n'ollige kee daayum k'a seedu zakidi a urzi zaapu k'adde a Galmeega Isa, wo don ki Raa pay ki'ni geyyiso. <sup>6</sup> Nun ni tondiyo Raa kono zaapu k'addá a Isa gette, kee k'a-ti kette ti kaye kan soo. Tode gette t'a di t'ele elkiyo ere k'a suune suldi don pay majjandani a urzi lekkiyadin ere kettiyo kan soo t'Isa Almasi. <sup>7</sup> Leema ki nun, nun ulbó unse wo oo d'eliyo toogo kono kee don ki Raa ki'ni giyye, wo k'an d'eliyo kooke.

*Pool yi tondiyo Pilemon a urzi k'Onezim*

<sup>8</sup> Kono kamo beehiye'η a urzi lekkiyo kettiyo kan soo t'Almasi gen nun oo d'ede urzi n'a di roote a munda wede kee k'aase me, <sup>9</sup> ki too man n'a ki tonde ti geyyiso k'o d'ise munda. Eyye, nun Pool en ni t'ize gôole, wo son nun adda dangay kono ni kazita rabila k'Isa Almasi, <sup>10</sup> inkinon ton ni ki tondiyo kee k'aase adde beehiye a Onezim\*, yon yi t'ize aa ulo n'ehe adda dangay a urzi k'Almasi me. <sup>11</sup> Aame ti poone yi ki nuuge ye ton man, ankenno y'aane y'inni nooge, kee ti nun me.

---

\* **1:10** 1.10 Onezim: T'ono Girek suma ette i-kaza «noogiyo».

<sup>12</sup> Wo anken n'a di y'agiba, yode wede ni y' giyye t'addó pay. <sup>13</sup> Ki too man nun n'a y'ooli y'a lekke a sirpadó, aame nun botto adda dangay a urzi Rabila Majjaanawa k'Isa Almasi gen me, kono y'o di naabe a olde kee. <sup>14</sup> Wo ni ki dehu ni ki y' boohé ye daa kee ki ki dihe ye me, kono munda wede beehiye kee k'aase an gi di k'ise ki toogo do ye, k'aase ti ulbe unse do.

<sup>15</sup> Onezim Raa yi ti y' lidde tuddá k'onniyo miibi koo man, onniyo yi ti y' gima sirpadá man y'a lekkey ki daayum. <sup>16</sup> Ankenno yon aa bule ye, yi jüre bule. Yon anken yi t'ize leema wede k'oöniso. Nun ni y' giyye baadan wo a kee y'a t'isey wede k'oöniso a ceerey sey, kono yon leema a urzi tudde wo leema a urzi k'Almasi.

<sup>17</sup> Aame ki ni zuune nun lanžayá man, yon ki y' soodoy aa ki seedu nun batum. <sup>18</sup> Wo aame y'a ize ulsuko, koo yi ziida mundazá ton man, k'oolo a ekki nun. <sup>19</sup> Ki wollo a raaniya en nun Pool ti beezó: munda wede Onezim y'a di t'ela gen a di y' t'ela nuuno, wo de kee ton k'elko a-d'ede see a eedá? Derec, kee ton t'urzi nuuno doo min k'a ziipe addá a Isa Almasi kollo. <sup>20</sup> Ki kotto leema ki nun, t'urzi geyyiso ere ki Galmeega, addó k'o ti'n asso, kono kine sirwin pay min in lekkiyo kettiyo kan soo t'Almasi.

<sup>21</sup> Nun ni suune n'a raaniya en naabo ere ni ki tondiyo ette k'o ti t'isa, wo ni suune k'aasa naabo a ceera ere ni ki tondiyo ettiyo sey. <sup>22</sup> Wo son ni ki tondiyo: Kee k'o okkon ume moone. Nun n'ettiyo, kono n'elkiyo tondiyagun a Raa gette yon y'ollige, san man an di'n adda n'un di'n t'ooney.

*Ono don ki dangu*

<sup>23</sup> Epapiras yon adda dangay ti nun kono ay kazita rabila k'Isa Almasi, y'a-t'ize toose.

<sup>24</sup> Markus, Aristarko, Demas wo Lik don ay naabiya kan soo en, an a-t'ize toose pây.

<sup>25</sup> In kino man beeko Galmeega Isa Almasi ti koonna eggun.

**Mattup ki Taasuwa ere Aware  
Mukulu: Mattup ki Taasuwa ere Aware (New  
Testament)**

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 21 Feb 2024 from source  
files dated 29 Jan 2022

523c1c0a-f8ac-5d2f-aebe-7063b0de6b23